

ტექნიკური დავალება

მაღალყელიანი ფეხსაცმელი (ბათინკი) საზაფხულო - 3500 წყვილი

სიმაღლე C ტიპის (EN ISO 20347 სტანდარტის თანახმად)

საზედაპირე ნაშაბი:

ფერი შავი. საქონლის ჰიდროფობური ტყავის, სისქით 1.8-2.2 მმ და ქსოვილის კომბინაციით.

უნდა შედგებოდეს არაუმეტეს ექვსი ორმაგი გვირისტით დამუშავებული ძირითადი დეტალისაგან:

1. ერთი მთლიანი თარგისგან დამზადებული ტყავის ცხვირი და საკავში;
2. ქსოვილის კოჭმფარი, რომელსაც ორივე გვერდულზე საკავშის დაბოლოებიდან უკნითამდე გააჩნია ლანჩაში ჩამაგრებული გამაძლიერებელი ტყავის დამხმარე დეტალები, რომელიც ზედნადები ორმაგი გვირისტით არის დამაგრებული კოჭმფარზე;
3. ტყავის უკნითა;
4. ქსოვილის ენაკი, რომელიც კოჭიდან ზედა ნაწილში დამუშავებულია ტყავის ჩანართით. ენაკს ზედა ნაწილში გააჩნია რბილი სადები და გარეთა მხარეს ტყავის ჩანართზე ჩამაგრებულია მეტალის ღია კაუჭი ფიქსაციისთვის;
5. ტყავის ზერგოლაკი, რომელიც დაყოფილია ორ - ზედა და ქვედა ნაწილებად. ზედა ნაწილი რკალისებურია და ჩამაგრებულია უკნითაში.
6. ტყავის ყელქობა.

ფეხსაცმელს უკანა მხარეს, უკნითასა და ყელქობას შორის უნდა გააჩნდეს ტყავის დამოუკიდებელი დამხმარე დეტალი, გვირისტით გაყოფილი რკალისებური ჩანართი (სახსარი), უკნითასა და კოჭმფარის მაკავშირებლის სახით, რომელიც უზრუნველყოფს კოჭის სახსარში შეუზღუდავ და კომფორტულ მოძრაობას; ფეხსაცმელს უკანა მხარეს ასევე უნდა გააჩნდეს ზედნადები მეთოდით, გვირისტით დამუშავებული ტყავის ამოსაქაჩი მარყუჟი, სისქით 2,5 სმ (± 3 მმ) რომელიც შიდა მხარეს გამაგრებულია სპეციალური ნაქსოვი ლენტით. ენაკი უნდა იკეტებოდეს ზედა მეორე საყაითნესთან. ენაკის სიმაღლე ყელქობის ყველაზე მაღალ წერტილს უნდა აღემატებოდეს არანაკლებ 2 სმ - ით. ყველა გვირისტი შესრულებული უნდა იყოს შავი ფერის წყალამსხლეტი ძაფით. გვირისტი უნდა იყოს ერთგვაროვანი.

სარჩული:

ფეხსაცმელი მთელს შიდა პერიმეტრზე დამუშავებულია შავი ბადექსოვილის სარჩულით, სარჩულის დამაგრების მეთოდი უნდა იყოს იმგვარი, რომ ვიზუალურად ჩანდეს ძირითადი ლაბაში.

უკნითა ძირითადი ლაბაშიდან დამუშავებულია შავი ფერის უქსოვადი მასალის (მიკროფიბერი ან მსგავსი) ზედნადები სარჩულით, რომელიც გაგრძელებულია ყელქობამდე არანაკლებ 3 სმ-ით.

კარკასული დეტალები:

ბათინკზე გამოყენებული უნდა იყოს არა მეტალის კარკასული დეტალები მყარი საქუსლარის, ცხვირქვედას და მაღალი სიმკვრივის კამარის სახით.

ძირითადი ლაბაში:

ძირითადი ლაბაშის მასალა უნდა იყოს უქსოვადი ბოჭკოს ნაერთი, ქეჩისმაგვარი (არ მიიღება მუყაო), რომელიც საზედაპირე ნაშაბზე დამაგრებულია შემოკერვის მეთოდით.

ჩასაფენი ლაბაში:

ჩასაფენი ლაბაშის მასალა უნდა იყოს ე.წ. HI-POLY ან პოლიურეთანის ქაფით ფორმირებული ბაზისი, მსუნთქავი პოლიესტერის ან ნეილონის ქსოვილის ფენით დამუშავებული, ამოსაღები, ნესტგამწოვი,

ფეხის ტერფის ანატომიური ფორმის (უნდა იმეორებდეს ტერფის ფორმას). სისქე კონათა ნაწილში უნდა იყოს 5 ± 1 მმ.

დამხმარე მასალები:

ბათინკზე გამოიყენება არანაკლებ 6 წყვილი მეტალის საყაითნე, ფერი შავი ან ე.წ. „მეტალიკი“. აქედან ზერგოლაკის ზედა ნაწილზე გამოყენებული უნდა იყოს არანაკლებ 3 წყვილი ღია, სწრაფი შეკვრის სისტემის საყაითნე; ერთი წყვილი დახურული სწრაფი შეკვრის სისტემის საყაითნე ჩამაგრებული უნდა იყოს საკავშის ტყავში, ხოლო დანარჩენი დახურული სწრაფი შეკვრის საყაითნეები ჩამაგრებული უნდა იყოს ქვედა ზერგოლაკში. ყაითანი უნდა იყოს მრგვალი ფორმის, მჭიდროდ ნაქსოვი და ადვილად უნდა მოძრაობდეს საყაითნეებში. ყაითანის სიგრძე უნდა იყოს არანაკლებ 180 სმ.

სადირე მასალა:

სადირე მასალა უნდა იყოს ორშრიანი. შიდა შრე პოლიურეთენი, გარე შრე რეზინი. პოლიურეთანის შიდა შრის სისქე ქუსლის ყველაზე მაღალ წერტილში უნდა იყოს $2.8 \text{ სმ} \pm 2 \text{ მმ}$. რეზინის გარე შრის სისქე ქუსლის ყველაზე მაღალ წერტილში უნდა იყოს $2.5 \text{ სმ} \pm 2 \text{ მმ}$. ხოლო რეზინის გარე შრის ცხვირის ყველაზე მაღალ წერტილში $2.0 \text{ სმ} \pm 2 \text{ მმ}$. ძირის მიმაგრება ზედაპირთან პირდაპირი ინჟექტირების მეთოდით ფორმირებული.

ფეხსაცმლის ზომის დიაპაზონი 36 – 48 (ევროპული).

ფეხსაცმელს შიდა მხარეს უნდა გააჩნდეს თერმული ტექნოლოგიით დაწებებული (არა დაკერებული) CE მარკირება, რომელზეც დატანილი იქნება მოდელი, ზომა, მწარმოებელი და დამატებითი დამცავი ფუნქციები.

სერტიფიკატი: შემოთავაზებული ფეხსაცმლის მოდელს უნდა გააჩნდეს EN ISO 20347 მოქმედი სერტიფიკატი და უნდა აკმაყოფილებდეს შემდეგ დამატებით დამცავ ფუნქციებს – 02 HRO HI CI FO SRC.

სერტიფიკატი ატვირთულ უნდა იქნეს ერთიან ელექტრონულ სისტემაში და მასში ნათლად უნდა იკითხებოდეს მოდელის შესახებ შემდეგი ინფორმაცია:

- ა) არის თუ არა დამზადებული შავი ფერის ნატურალური ტყავის და შავი ფერის ქსოვილის კომბინაციით;
- ბ) არის თუ არა ენაკი დამზადებული ტყავის და ქსოვილის კომბინაციით;
- გ) გააჩნია თუ არა ბადექსოვილის სარჩული და მიკროფიბრის ან მსგავსი მასალის უკნიტას სარჩული;
- დ) საყაითნეების რაოდენობა და ტიპი (არის თუ არა სწრაფი შეკვრის სისტემის);
- ე) ძირითადი ღაბაშის მასალა და დამაგრების მეთოდი;
- ვ) ამოსაღებია თუ არა ჩასაფენი ღაბაში;
- ზ) ძირის მასალა და მიმაგრების მეთოდი.

შემოთავაზებული საქონელი უნდა იყოს ახალი, ექსპლუატაციაში არ მყოფი; ფეხსაცმლის თითოეული წყვილი შეფუთული უნდა იყოს ცალ-ცალკე მუყაოს ყუთში, თითოეული ყუთის გარეკანზე უნდა იყოს მითითებული ფეხსაცმლის შესაბამისი ზომა.